

de Spaur nata de Weineck habitas, via amicabilis compositionis Anno 1524. iustulit. (d)

(a) *Archiv. Stat. Austr. num. 2947.* (b) *Ibi num. 2956.* (c) *Ibi num. 3404.* (d) *Ibi num. 3637.*

CAPUT LXIII.

COMITES DE LIECHTENSTEIN.

Illustri splendore antiquitatis, rerum gestarum & aliorum decorum nulla facile Liechtensteiniam de Carneit & Casteln Korn gentem in agro Tyrolensi superat. Bartholomæus Liechtensteinus Maximiliani I. Imperatoris supremus Aulæ Magister jam Anno 1478. & Paulus Liechtensteinus post Annum 1500. ille Brugis Flandrorum hic Middelburgi in Seelandia Aurei Velleris torque à Cæsare ornati sunt. (a) Sigismundus Comes de Liechtenstein, Rosinam Wolffhardi Fuchsij de Fuchsberg & Margarethæ ab Interholz filiam thori sociam Anno 1496. habuit, (b) quæ, testante alio Archivi Statuum Austriæ documento Anno 1503. supremum elogium suum condidit. (c)

(a) *Christineus de Jure Belgarum circa Nobilitatem Art. VIII. pag. 486. & 487.* (b) *Archiv. Stat. Austr. num. 3405.* (c) *Ibi num. 3497.*

CAPUT LXIV.

BARONES DE WELSPERG.

Althasar de Welsperg Eques, vetusta celebrique Familia Tyrolensi ortus, Sigismundi Liechtensteinii cum Rosina Wolffhardi Fuchsij filia erecta pacta dotalia Anno 1496. signavit. (a) Burckhardum Welspergium Rosina Liechtensteinia ad testimonium dicendum Anno 1503. vocavit. (b)

(a) *Archiv. Stat. Austr. num. 3405.* (b) *Ibi num. 3497.*

CAPUT LXV.

BARONES DE TEUFFENBACH.

IN Styria celebris hæc familia omni ævo fuit. Hartvvicum de Teuffenbach testem allegavit Leopoldus Austriæ Dux gloriosus dictus, in Privilegiis Monasterio ad S. Lampertum Anno 1202. Indict. quarta, Idus Decembr. Græzii concessis. (a) Buce- linus *P. III. Germ.* Genealogiam Stirpis orditur ab Hermanno Teuffenbachio, qui Anno 1245. vixit, & ei filios assignat duos, Leutoldum Anno 1277. celebrem & Rudolphum Anno 1283.